

## **Kev Pab Txhawb Nqa Cov Me Nyuam Yaus thiab Cov Tsev Neeg nyob rau lub sij hawm muaj Kev Caiv Tus Kheej thiab Kev Caiv Nyob Ib Leeg Ib Qho Lus Qhia rau Kev Npaj Ntawm Tsev Neeg Txog Kev Yuav Rov Qab Mus Kawm Ntawv**

Cov me nyuam yaus yuav tau rov qab mus kawm ntawv nyob thoob plaws Xeev Oregon. Qhov no yuav ua rau muaj ntau cov lus nug thiab cov kev txhawj xeeb txog ntawm tias yuav muaj dab tsi tshwm sim yog hais tias koj tus me nyuam raug thov kom nyob twj ywm rau hauv tsev vim muaj kev raug tau rau ib Tus neeg uas muaj Tus Kab Mob Khaus Viv-19 (COVID-19) los sis yog hais tias lawv tus kheej tau mob nkeeg. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority) thiab Xeev Oregon Lub Thawj Fab Saib Xyuas Hauj Lwm txog Kev Kawm Ntawv (Oregon Department of Education) tau sib koom tes nroos los mus npaj cov chaw muab kev pab cuam rau cov tsev neeg txhawm rau yuav siv rau hauv kev npaj thiab kev pab txhawb nqa koj cov me nyuam thiab tsev neeg thaum koj xav tau kev pab txog ntawm kev caiv tus kheej los sis kev caiv nyob ib leeg nyob rau lub sij hawm ntawm xyoo kawm ntawv xyoo nod.

Qhov tseem ceeb thiab ua ntej tshaj plaws txhua yam, koj tus me nyuam yuav tsum nyob twj ywm hauv tsev yog hais tias:

- Lawv muaj qhov kub thiab txias hauv nrog cev txog li 100.5 los sis siab dua ntawd.
- Lawv hnov tsis xis neej, tab txawm hais tias lawv twb tsis muaj Tus Kab Mob Khaus Viv-19 (COVID-19) los sis cov tsos mob ntawm Tus Kab Mob Khaus Viv-19 (COVID-19) li los xij.
- Lawv phiaj yeeg rau pom txog hais tias muaj cov tsos mob ntawm Tus Kab Mob Khaus Viv-19 (COVID-19) thiab yuav tsum tau mus caiv tus kheej nyob ib leeg.
- Lawv sim kuaj mob pom tias muaj Tus Kab Mob Khaus Viv-19 (COVID-19), tab txawm hais tias lawv twb tsis muaj cov tsos mob hlo li los xij.
- Lawv tau nyob sib ze nrog ib tus neeg twg uas muaj Tus Kab Mob Khaus Viv-19 (COVID-19) lawm thiab lub tsev kawm ntawv thiab lub thawj fab saib xyuas kev noj qab haus huv rau pej xeeb hauv zej zos pom zoo xav kom caiv tus kheej.
- Yog hais tias muaj ib tus tswv cuab hauv koj yim neeg sim kuaj mob pom tau tias muaj Tus Kab Mob Khaus Viv-19 (COVID-19).

Tsis tas li ntawd zoo ntxim li koj kuj tseem xav paub txog hais tias kev caiv nyob ib leeg thiab kev caiv tus kheej nws txhais tau li cas rau koj thiab koj tsev neeg. Kev caiv tus kheej thiab kev caiv nyob ib leeg yog cov kev nqis tes hais daws teeb meem uas yuav pab cheem kev sib kis kab mob los ntawm Tus Kab Mob Khaus Viv-19 (COVID-19).

- **Kev caiv tus kheej** txhais hais tias yog kev txuag ib tus neeg twg uas tej zaum raug tau Tus Kab Mob Khaus Viv-19 (COVID-19) lawm kom sib nrug deb ntawm lwm tus uas tsis nyob rau hauv lawv lub vaj tsev. Ib tus neeg muaj peev xwm sib kis tau Tus Kab Mob Khaus Viv-19 (COVID-19) ua ntej lawv yuav muaj cov tsos mob tshwm sim. Kev caiv tus kheej pab txo tau kev pheej hmoo ntawm kev sib kis kab mob los ntawm tus kab mob vais lav (virus) yam txuam yuaj mus rau lwm cov neeg. Yog hais tias cov tswv cuab hauv tib yim neeg yeej tsis tau raug tau rau ib tus neeg twg uas muaj Tus Kab Mob Khaus Viv-19 (COVID-19) yam ncaj qha, thiab lawv tsis phiaj yeeg rau pom txog cov tsos mob, ces lawv tsis tas yuav tsum tau caiv tus kheej los tau.
- **Kev caiv nyob ib leeg** txhais hais tias yog ib tus neeg uas tau kuaj pom tias muaj Tus Kab Mob Khaus Viv-19 (COVID-19) uas yuav tsum tau nyob twj ywm hauv tsev thiab nyob kom sib nrug deb ntawm lwm cov neeg hauv lawv lub vaj tsev yog hais tias ua tau. Yog hais tias koj tus me nyuam, los sis ib tus neeg twg los xij nyob rau hauv koj lub vaj tsev, sim kuaj mob pom tias muaj Tus Kab Mob Khaus Viv-19 (COVID-19), peb thov kom lawv ua raws li cov lus qhia txog kev caiv nyob ib leeg, muaj xam nrog rau txhua cov lus qhia tshwj xeeb los ntawm lub thawj fab saib xyuas kev noj qab haus huv rau pej xeem hauv zej zos tib si.

Txhawm rau kawm paub ntau ntxiv txog kev caiv nyob ib leeg, kev caiv tus kheej thiab cov kauj ruam uas cov tsev kawm ntawv yuav tau ua yog hais tias koj tus me nyuam tau mob nkeeg los sis raug tau rau kab mob, thov tshab xyuas dua [cov lus qhia rau cov neeg saib xyuas \(tu\)](#), [cov niam thiab txiv thiab cov tsev neeg](#). Txhawm rau npaj, thov lis kom ntxaws txog ntawm qhov Kev Npaj Ntawm Tsev Neeg Txog Kev Yuav Rov Qab Mus Kawm Ntawv uas muaj nyob rau nram qab nod. Koj tus me nyuam lub tsev kawm ntawv yuav muaj cov ntaub ntawv thiab cov chaw muab kev pab cuam tseem ceeb los mus pab koj kom nkag siab txog lawv qhov kev npaj txhawm rau pab txhawb nqa koj tus me nyuam txoj kev kawm ntawv yog hais tias koj tus me nyuam raug thov kom nws nyob twj ywm rau hauv tsev.

## **Kev Npaj Ntawm Tsev Neeg Txog Kev Yuav Rov Qab Mus Kawm Ntawv**

### **Kev Npaj Ua Ntej rau Kev Caiv Tus Kheej/Kev Caiv Nyob Ib Leeg**

Kev lees paub tias tej zaum koj tus me nyuam kuj yuav raug thov kom nws caiv tus kheej los sis caiv nyob ib leeg nyob rau qee lub sij hawm hauv xyoo kawm ntawv nod, cov niam thiab txiv thiab cov tsev neeg yuav tsum tau ua zoo xav txog cov lus raws li nram qab nod **ua ntej** yuav muaj ib qho kev xav tau txog rau kev caiv tus kheej los sis kev caiv nyob ib leeg. Kev muaj ib qho kev npaj muaj peev xwm pab koj npaj thiab muaj tej yam uas tsim nyog txhij tseg rau ntawm chaw yog hais tias koj yuav tsum tau caiv tus kheej los sis caiv nyob ib leeg. Siv qhov Kev Npaj Ntawm Tsev Neeg Txog Kev Yuav Rov Qab Mus Kawm Ntawv no los mus teev txog cov kauj ruam uas koj yuav ua txhawm rau txuag koj tsev neeg thiab koj cheeb tsam zej zos kom muaj kev nyab xeeb.

Cov Lus Nug txhawm rau Ua Zoo Xav	Kev Npaj Ntawm Tsev Neeg
<p>Puas yog koj thiab cov tswv cuab hauv koj yim neeg twb txhaj tshuaj tiv thaiv kab mob tag lawm, yog hais tias lawv muaj peev xwm txhaj tau? <a href="#">Kawm paub ntau ntxiv txog ntawm Tus Tshuaj Txhaj Tiv Thaiv Tus Kab Mob Khaus Viv-19 (COVID-19).</a></p>	
<p>Koj tus me nyuam lub tsev kawm ntawv puas muaj cov lus qhia paub txog chaw tiv tauj tam sim nod los sis ib txoj hau kev txhawm rau tiv tauj rau koj los sis koj li chaw tij tauj thaum muaj xwm txheej kub ceev yog hais tias koj tsis muaj kev nkag cuag tau rau ib lub xov tooj li?</p>	
<p>Koj muaj kev npaj dab tsi uas napj txhij tseg siv lawm yog hais tias koj tsis muaj peev xwm mus tos tau koj tus me nyuam tom tsev kawm ntawv? Thov xyuas kom paub tseeb hais tias koj lub tsev kawm ntawv tau koj cov lus qhia paub txog chaw tiv tauj thaum muaj xwm txheej kub ntxhov ceev.</p>	

**Cov Lus Nug txhawm rau Ua Zoo Xav**

**Kev Npaj Ntawm Tsev Neeg**

Koj puas paub txog koj tus me nyuam lub tsev kawm ntawv qhov kev npaj los mus muab kev kawm ntawv rau nws yog hais tias muaj kev caiv tus kheej? Yog hais tias tsis muaj, tiv tauj rau koj tus me nyuam tus xib fwb qhia ntawv.

Koj puas muaj kev nkag cuag tau rau tus neeg saib xyuas (tu) uas twb txhaj tshuaj tiv thaiv kab mob tag lawm yog hais tias koj tsis muaj peev xwm yuav nyob tau rau hauv tsev nrog koj tus me nyuam? Yog hais tias tsis muaj, es koj ho yuav thov kom leej twg pab?

**Cov Lus Nug txhawm rau Ua Zoo Xav**

**Kev Npaj Ntawm Tsev Neeg**

Koj puas muaj kev nkag cuag tau rau ib lub chaw ntiag tug hauv lub vaj tsev ntawd uas ib tus neeg twg muaj mob nkeeg muaj peev xwm [caiv nyob ib leeg tawm ntawm lwm cov neeg tau](#)? Yog hais tias tsis muaj, piav qhia seb koj yuav muab tus neeg muaj mob nkeeg ntawd caiv nyob ib leeg kom deb ntawm lwm cov neeg tau li cas raws li qhov zoo tshaj plaws uas koj muaj peev xwm ua tau.

Puas koj [nyob nrog cov neeg uas muaj kev pheej hmoo siab dua](#) uas yuav kis tau cov tsos mob loj yog hais tias lawv raug tau rau Tus Kab Mob Khaus Viv-19 (COVID-19)? Yog hais tias yog, dab tsi yog koj [qhov kev npaj txhawm rau txuag lawv kom nyob sib nrug deb los ntawm cov neeg mob](#)?

**Cov Lus Nug txhawm rau Ua Zoo Xav**

**Kev Npaj Ntawm Tsev Neeg**

Npaj koj tus me nyuam los ntawm [kev sib tham nrog lawv hais txog Tus Kab Mob Khaus Viv-19 \(COVID-19\)](#), kev rau ib daim ntaub npog qhov ncauj qhov ntswg, kev siv cov kev ntsuas (maj tab kas) tiv thaiv kom muaj kev nyab xeeb ntsig txog [kev nyob kom sib nrug deb ntawm lub cev thiab lwm tus](#) uas koj los sis lub tsev kawm ntawv ntawd tau muaj npaj tseg. Cov kev ntsuas (maj tab kas) dab tsi nyob rau ntawm daim ntawv teev npe txog lub chaw muab kev pab cuam uas koj sib tham txog nrog koj tus me nyuam?

Cov khoom siv [dab tsi](#) uas koj yuav tsum tau muaj npaj tseg ntawm tes txhawm rau [txo lub cib fim ntawm kev sib kis Tus Kab Mob Khaus Viv-19 \(COVID-19\)](#) yog hais tias koj tus me nyuam los sis cov tswv cuab hauv tsev neeg muaj mob (piv txwv li, cov ntaub npog qhov ncauj qhov ntswg, tshuaj ntxuav tes tua kab mob, cov khoom siv rau kev tu ntxuav kom huv si)? Koj xav tau dab tsi ntxiv?

**Cov Lus Nug txhawm rau Ua Zoo Xav**

**Kev Npaj Ntawm Tsev Neeg**

Koj muaj tshuaj dab tsi npaj tseg rau ntawm tes siv rau thaum kub taub hau, hnoos, mob, thiab lwm yam ntxiv? [Koj xav tau dab tsi ntxiv?](#)

## **Nyob Rau Lub Sij Hawm Muaj Kev Caiv Tus Kheej/Kev Caiv Nyob Ib Leeg**

Cov niam thiab txiv thiab cov tsev neeg yuav tsum tau ua zoo xav txog cov nqe lus nram qab no **nyob rau lub sij hawm** muaj kev xav tau txog rau kev caiv tus kheej los sis kev caiv nyob ib leeg. Qhov lus qhia paub no raug muab qhia tso rau ntawm no txhawm rau pab txhawb nqa kev npaj ntxiv mus. Yog hais tias koj tus me nyuam los sis ib tus neeg twg hauv koj yim neeg mob Tus Kab Mob Khaus Viv-19 (COVID-19), siv cov kev ceev faj (kev tiv thaiv) lois mus txuag lawv uas yog muaj sib faib cais nyias nyob nyias kom sib nrug deb los ntawm lwm tus li qhov ua tau. Thaum sib tham nrog cov neeg muaj mob, nco ntsoov siv cov ntaub npog qhov ncauj qhov ntswg, ntxuav koj ob txhais tes kom huv si, thiab nquag tu ntxuav cov chaw (npoo los sis ntug) kom huv si. **Hu rau 911 yog hais tias koj tus me nyuam los sis ib tus neeg twg los xij hauv koj yim neeg muaj ib yam ntawm cov tsos mob loj nod: ua pa nyuaj, mob los sis ceev hauv siab los sis mob rau toom ntawm plab, tsis muaj peev xwm haus taus dej los sis tswj kom tsis txhob muaj cov kua dej ntau, kev nyuaj siab ntxhov plawv tshiab los sis kev tsis muaj peev xwm sawv taus, thiab/los sis ob sab di ncauj los sis ntsej muag xiav lus ntshaus ntsho.**

Cov tswv yim pab	Kev Npaj Ntawm Tsev Neeg
<p>Yog hais tias koj tus me nyuam raug lub tsev kawm ntawv muab xa mus tsev nug seb:</p> <ul style="list-style-type: none"> <li>• Lawv muaj peev xwm xa rov qab los rau lub sij hawm twg?</li> <li>• Yog hais tias lawv tsis muaj mob, qhov kev npaj au kev kawm ntawv nyob rau ntawm vaj tsev ne yog muaj li cas?</li> <li>• Puas muaj ib qho kev xaiv nyob rau ntawm tsev kawm ntawv txog rau kev sim kuaj mob txog ntawm Tus Kab Mob Khaus Viv (COVID) pub dawb?</li> <li>• Kuv tus me nyuam puas tseem muaj peev xwm nakg cuag tau rau pluas tshais/pluas su/pluas mov noj tom qab tav su nyob rau ntawm vaj tsev?</li> <li>• Cov kev xaiv ntsig txog kev kawm ntawv nyob rau ntawm vaj tsev muaj li cas?</li> </ul>	



Cov tswv yim pab	Kev Npaj Ntawm Tsev Neeg
<p>Koj puas muaj ib tus neeg txhais lus, ib tus tswv cuab hauv tsev neeg los sis ib tus phooj ywg uas ntseeg siab tau uas muaj peev xwm txhais lus tau rau koj yog hais tias tsim nyog?</p>	
<p>Koj puas muaj cov kev txhawj xeeb dab tsi tias tsam koj cov tswv cuab hauv tsev neeg mob Tus Kab Mob Khaus Viv-19 (COVID-19), uas tej zaum koj yuav tsum tau mus sim kuaj mob tso. <a href="#">Kawm paub ntau ntxiv txog kev sim kuaj mob txog Tus Kab Mob Khaus Viv-19 (COVID-19).</a></p>	
<p>Teb los sis hu rov qab rau tag nrho cov lais xov tooj uas hu tuaj ntawm lub thawj fab saib xyuas hauj lwm kev noj qab haus huv hauv zej zos uas nyob ze rau ntawm koj. Lawv yuav pab qhia kom koj nkag siab txog yam uas koj yuav tsum tau ua txhawm tau txuag koj tus me nyuam thiab koj tsev neeg kom ntsib kev noj qab haus huv. Ua raws li tag nrho cov lus qhuab qhia los ntawm lub thawj fab saib xyuas hauj lwm kev noj qab haus huv hauv zej zos.</p>	

**Cov tswv yim pab**

**Kev Npaj Ntawm Tsev Neeg**

Lub thawj fab saib xyuas hauj lwm kev noj qab haus huv hauv zej zos muaj peev xwm pab koj tau ntau txoj hau kev. Teev qhia txog ntau cov cheeb tsam uas tej zaum koj xav tau kev pab txhawb nqa, xws li:

- Kev yuav nkag cuag tau rau kev pab fab kev kuaj mob tau li cas
- Kev pab ntsig txog khoom noj, vaj tsev chaw nyob, thiab cov kev siv hluav taws xob dej cua
- Cov npe ntawm cov neeg thiab cov chaw uas muaj peev xwm pab txhawb nqa tau koj thaum tseem nyob rau ntawm lub vaj tsev

[Tshawb nrhiav lub thawj fab saib xyuas hauj lwm kev noj qab haus huv hauv zej zos uas nyob ze rau ntawm koj](#)

Yog hais tias koj tus me nyuam los sis ib tus tswv cuab ntawm yim neeg ntawd xav tau kev pab ntsig txog kev teem caij sib ntsib rau fab kev kuaj mob, yuav tsum tiv tauj rau koj tus kws muab kev saib xyuas kho mob rau fab kev noj qab haus huv ua ntej yuav mus rau ntawm lawv lub chaw ua hauj lwm. Lawv tuaj yeem teeb tsim txoj kev teem caij sib ntsib raws vis dis aus/hauv xov tooj los sis xav kom koj ua raws li cov kauj ruam tshwj xeeb nram qab no txhawm rau thiaj li mus tau rau hauv lub chaw ua hauj lwm ntawd.

**Cov tswv yim pab**

**Kev Npaj Ntawm Tsev Neeg**

Qhov no nws yuav yog ib lub sij hawm uas nyuaj heev rau cov me nyuam yaus thiab cov tsev neeg. Xeev Oregon Lub Thawj Fab Saib Xyuas Hauj Lwm txog Kev Kawm Ntawv (Oregon Department of Education, ODE) muaj ntau cov chaw muab kev pab cuam los mus pab:

- [Cov Kev Pab Txhawb Nga Ntsig Txog Kev Noj Qab Haus Huv Ntsig Txog Kev Puas Siab Puas Ntswg thiab Fab Sim Neej rau Cov Me Nyuam Yaus thiab Cov Tsev Neeg](#)
- [Tsib cov hau kev tseem ceeb los mus pab txhawb nga kev noj qab haus huv ntsig txog kev puas siab puas ntsws](#)
- [Txoj hau kev daws kho \(tiv\) nrog kev ntxhov siab nyob rau lub sij hawm muaj kev sib kis los ntawm tus kab mob sib kis tau yooj yim nod](#)
- [Txoj hau kev pab txhawb nga cov me nyuam yaus thiab cov tub ntxhais hluas los ntawm kev pawv \(ploj\) thiab kev raug mob](#)

Puas muaj cov tswv yim dab tsi nyob rau hauv cov chaw muab kev pab cuam nod uas koj xav mua sau ua ntaub ntawv tseg kom thiaj li nco tau?

Cov tswv yim pab	Kev Npaj Ntawm Tsev Neeg
<p>Yog hais tias koj tsis muaj peev xwm tawm tau ntawm koj lub vaj tsev mus vim hais tias koj muaj mob, koj yuav nkag cuag tau rau cov khoom noj haus, kev siv tshuaj, los sis cov ntawv sau qhia yuav tshuaj yam tsis tas tawm ntawm koj lub vaj tsev mus tau li cas? Kuaj xyuas kom paub tseeb hais tias lub khw muag khoom noj los sis lub khw muag tshuaj uas nyob ze rau ntawm koj muaj peev xwm muab tshab kab npab xa khoom los sis mus nqa khoom (curbside delivery or pickup) tuaj rau koj.</p>	
<p>Tiv tauj rau koj tus me nyuam cov xib fwb qhia ntawv txhawm rau tshawb nrhiav kom paub txog txoj hau kev uas zoo tshaj plaws los mus nkag cuag tau rau lub tsev kawm ntawv thaum koj tus me nyuam nyob rau ntawm lub vaj tsev thiab kom muaj cov chaw muab kev pab cuam (koos pis tawj (computer), is taws nej (internet), thiab lwm yam ntxiv) uas koj xav pab kom koj tus me nyuam nyob rau txoj kev soj qab xyuas.</p>	

## Kev Npaj rau ib qho Kev Rov Qab Mus Kawm Ntawv

Txhawm rau pab txhawb nqa kom koj tus me nyuam tau **ov qab mus kawm ntawv** yam tiav hlo, ua zoo xav txog cov lus qhia raws li nram qab nod tom qab kev caiv tus kheej los sis kev caiv nyob ib leeg. Nco ntsoov tias yuav tsum sib tiv tauj nrog koj lub tsev kawm ntawv thiab lub thawj fab saib xyuas hauj lwm kev noj qab haus huv hauv zej zos, thiab uas raws li ncuaj sij hawm uas lawv muab rau koj tus me nyuam kom rov qab mus kawm ntawv. Yog hais tias koj tus me nyuam tseem pheej phiaj yeeg rau pom txog cov tsos mob txua ntxiv tsis tseg, los sis yog hais muaj cov tswv cuab hauv koj yim neeg muaj mob coob tus ntxiv, yuav tsum tau hais qhia rau koj lub tsev kawm ntawv thiab lub thawj fab saib xyuas hauj lwm kev noj qab haus huv hauv zej zos paub txog.

<b>Cov Lus Nug txhawm rau Ua Zoo Xav</b>
<p>Tsim ua cov kev npaj rau koj tus me nyuam txhawm rau rov qab mus kawm ntawv thaum pab pawg tswj xyuas tsev kawm ntawv txum nyob rau ib cheeb tsam thiab lub thawj fab saib xyuas hauj lwm kev noj qab haus huv hauv zej zos pom zoo hais tias yeej ua tau li ntawd tsis ua li cas. Yog hais tias koj tsis paub tseeb tias thaum twg koj tus me nyuam thiaj li muaj peev xwm rov qab mus kawm ntawv tau, tiv tauj rau lawv. Sib tham txog ib qho kev npaj rau kev rov qab mus kawm ntawv nrog koj lub tsev kawm ntawv thiab pab pawg tswj xyuas tsev kawm ntawv txum nyob rau ib cheeb tsam.</p>
<p>Nyob rau lub sij hawm caiv tus kheej, yog hais tias koj tus me nyuam los sis ib tus neeg hauv koj yim neeg muaj mob, muab lub hnuv tim uas lawv tau pib hnov mob ntawd sau tseg rau hauv ntaub ntawv thiab hais qhia rau lub tsev kawm ntawv thiab lub thawj fab saib xyuas hauj lwm kev noj qab haus huv hauv zej zos paub.</p>
<p>Tiv tauj rau pab pawg tswj xyuas tsev kawm ntawv txum nyob rau ib cheeb tsam los sis <a href="#">lub thawj fab saib xyuas hauj lwm kev noj qab haus huv hauv zej zos</a> uas nyob rau ntawm koj yog hais tias koj xav tau cov kev pab cuam thiab kev pab txhawb nqa ntau ntxiv, tab txawm hais tias tom qab koj tus me nyuam rov qab mus kawm ntawv lawm los xij. Lawv yeej muaj sij hawm los mus pab koj kawg.</p>
<p>Pab kom koj tus me nyuam nyob rau hauv kev soj xyuas rau ntawm tsev kawm ntawv. Cov xib fwb qhia ntawv los sis cov neeg ua hauj lwm twg uas koj yuav tsum tau soj xyuas nrog lawv kom paub txog tias puas muaj hauj lwm ntsig txog kev kawm ntawv dab tsi uas lawv yuav tsum tau ua?</p>
<p>Kev rov qab mus kawm ntawv tom qab ib qho kev tsis mus kawm ntawv ntev loo lawm nws kuj yog ib qho nyuaj kawg li. Dab si thiaj li yog qee cov hau kev uas koj muaj peev xwm sib tham tau nrog koj tus me nyuam hais txog ntawm kev lawv hnov zoo li</p>

cas thiab lawv yuav hais li cas yog hais tias cov neeg sawv daws nug txog hais tias vim li cas es lawv ho ploj mus rau qhov twg tag lawm?

**Kev muaj peev xwm nkag cuag tau rau daim ntaub ntawv:** Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Lub Chaw Ua Hauj Lwm Saib Xyuas Cov Lus Qhia Paub Txog Fab Kev Noj Qab Haus Huv (Health Information Center) ntawm tus xov tooj 1-971-673-2411, 711 TTY los sis [COVID19.LanguageAccess@dhsoha.state.or.us](mailto:COVID19.LanguageAccess@dhsoha.state.or.us)